

Sjálfsmatsskýrsla 2024-2025

Guðfinna Gunnarsdóttir, Pelle Damby Carøe, Sigursveinn Sigurðsson.

Inngangur

Fjölbrautaskóli Suðurlands var stofnaður árið 1981 og átti hann því 43 ára starfsafmæli á haustdögum 2024. Á heimasíðu skólans kemur fram sýn hans, en hún byggir á að allir séu metnir að verðleikum, njóti skilnings og beri virðingu fyrir sjálfum sér, öðrum og umhverfi sínu. Að sama skapi segir að skólinn stefni að árangursríku og fjölbreyttu skólastarfi þar sem áhersla er lögð á fagþekkingu, sköpunarhæfni og metnaðarfullt þróunarstarf.

Hlutverk skólans er að búa nemendur undir frekara nám, að bjóða upp á fjölbreytt starfsnám í góðum tengslum við atvinnulífið og að búa nemendur undir daglegt líf í lýðræðisþjóðfélagi.

Nemendafjöldi er orðinn nokkuð stöðugur en þeim fækkaði nokkuð fyrst eftir að námstími til stúdentsprófs var stytur. Nú eru hins vegar vísbendingar um að nemendum fari fjölgandi aftur við skólann, mikill fólksfjölgun hefur orðið á upptökusvæði skólans á undanförnum misserum. Í dag þurfa nemendur 200 framhaldsskólaeiningar til þess að ljúka stúdentsprófi og ljúka flestir þeim einingum á sex til átta önnum. Nemendafjöldi á haustönn 2024 voru 1009 og á vorönn 2025 voru þeir 923. Þetta er fjöldi nemenda sem stundar nám í dagskóla en síðan er einnig kennsla í gangi í fangelsunum á Litla Hrauni, í Sogni og á Hólmsheiði. Kennarar frá FSu fara á Litla Hraun og í Sogn en fjarkennsla er í gangi á Hólmsheiði. Nokkrir kennarar sinna einnig fjarkennslu nemenda úr 10. bekkjum grunnskóla á Suðurlandi. Þeim nemendum hefur verið boðið upp á kennslu í ensku, stærðfræði og dönsku. Einnig var kvöldskóli í pípulögnum. Í ársskýrslu skólans 2024-2025 er einnig að finna ýmsa tölfræði sem tengist skólastarfinu.

Í markmiðum skólans kemur fram hvert er stefnt, hægt er að nálgast þau markmið með því að fara inn á heimasíðu skólans: <https://www.fsu.is/is/um-skolann/stefnur/markmid>

Núverandi markmið skólans eins og þau eru framsett í dag eru í endurskoðun á skólaárinu og verður áfram unnið í þeim á næsta skólaári samhliða uppfærslu á efni á vef skólans.

Sjálfsmatshópurinn hittist að jafnaði einu sinni í viku í 55 mínútur í senn. Í upphafi haustannar voru línur lagðar og ákveðið hvað ætti að gera á skólaárinu. Áfram var haldið með að leggja fyrir könnun um gæði náms og kennslu þ.e. GNOK. Hún var lögð fyrir tiltekna nemendahópa samkvæmt nýlegu skipulagi. Könnun var lögð fyrir forráðamenn nemenda undir 18 ára, ný könnun var lögð fyrir brottafarendur þar sem spurt var um framtíðarplön varðandi frekara nám eftir FSu, könnun var lögð fyrir nemendur í akademíum og brottfarendur á vorönn voru spurðir út í tilhögun náms og námsbrautir

sem þeir voru að ljúka. Þá voru ýmsar minni kannanir lagðar fyrir starfsfólk, nemendur og kvöldskólanemendur.

Markmið og tilgangur matsins

Sjálfsmatinu þetta árið var stýrt af hópi sem í sátu þrír einstaklingar, hópinn skipuðu Guðfinna Gunnarsdóttir, Pelle Damby Carøe og Sigursveinn Már Sigurðsson.

Markmið sjálfsmatsins er að rýna til gagns þannig að öll starfsemi skólans sé skoðuð með ákveðnu millibili og leitað sé leiða til úrbóta í framhaldi af rýninni. Vinna sjálfsmatshópsins byggir á því að stýra vinnunni og leggja fyrir verkefni til að meta, undirbúa fundi og gera síðan aðgerðaáætlanir í framhaldi af matinu. Auk þess hefur hópurinn reynt að sjá hvar skóinn kreppir í einstökum málum og þá skoðað þau mál með aðstoð frá starfsfólki skólans og nemendum. Almennt má segja að starfsfólk komi jákvætt til þeirra funda sem haldnir eru vegna matsins og gleðjist yfir því að fá að hafa áhrif á stefnu stofnunarinnar í ýmsum málum.

Aðferðir og framkvæmd matsins

Síðustu ár hefur stýrihópurinn notast við kannanir í Innu til að meta hin ýmsu atriði í skólastarfinu, bæði stuttar og lengri kannanir.



Starf sjálfsmatsnefndar á skólaárinu

Stýrihópurinn um sjálfsmat fundaði alls 26 sinnum á skólaárinu. Það voru 10 fundir á haustönn og 16 á vorönn. Miðað var við að fundirnir rúmuðust innan 55 mínútna í hvert skipti en ekki var laust við að það teygðist stundum svolítið úr þeim 55 mínútum. Fundað var á fimmtudögum á haustönn kl. 10:20 og á vorönn var fundað á miðvikudögum kl. 9:55.

Byrjað var á því á haustdögum að yfirfara áætlun vegna sjálfsmatsins og ákveðið að vinna markvisst í könnunum, hefðbundnum sem og nýjum ef þörf krefði. GNOK var lagt fyrir ákveðna hóp á Innu seinni hluta október mánaðar. Niðurstöður könnunarinnar voru í kjölfarið birtar viðkomandi kennurum í Innu. Þá lagði stýrihópurinn fleiri kannanir fyrir á haustönninni, t.a.m. könnun fyrir nemendur í íþróttakademíum um notagildi náms, þjálfun og

Kveikjukönnun fyrir starfsfólk varðandi skólafundinn - apríl

Könnun fyrir nemendur á grunnmenntabré – maí

Könnun fyrir útskriftarnemendur vegna brauta – maí

Könnun fyrir kennara um líðan eftir verkfall - maí

GNOK

Svarhlutfallið var 63,1% á haustönn og 74,3% á vorönn.

Þegar niðurstöður GNOK-sins eru bornar saman við niðurstöður fyrri ára má sjá að á heildina litið eru þær nokkuð líkar, þ.e. ekki er hægt að greina miklar breytingar. Þó skal þess getið að samanburður milli ára er nú ef til vill ekki alveg marktækur, enda færri námsgreinar og áfangar nú metnir í einu. Það er ánægjulegt að sjá að nemendur eru almennt séð ánægðir með sína kennara og kennsluna. Kennurum var birt niðurstaðan eftir að niðurstöður matsins lágu fyrir og þeir beðnir um að skoða niðurstöður sínar. Aðeins skólameistari og aðstoðarskólameistari hafa aðgang að niðurstöðum allra.

Samantekt og ábendingar

Óhætt er að segja að það að geta notað Innu til að leggja hinar ýmsu kannanir fyrir starfsfólk og nemendur með tiltölulega einföldum hætti reynist afar gagnlegt. Þó má nefna að áfram þarf að minna nemendur og starfsfólk á að svara þessum könnunum til að svarhlutfallið verði áfram gott. Gekk það afar vel á skólaárinu sem er að líða.



Umbótaáætlun

Skólaárið 2025-2026 mun sjálfsmatsnefnd halda áfram að vinna að frekari útfærslu markmiða skólans og vinnu við framsetningu á vef skólans. Jafnframt verði hugað að raunhæfum skammtíamarkmiðum sem sett væru fram fyrir hvert nýtt skólaár.

Að venju verður hugað að áframhaldandi könnunum, hefðbundnum sem og könnunum til að bregðast við og skoða smærri atriði sem koma upp eða þörf er á að skoða frekar. Kannanir við

brautarlok/brautskráningu verða aftur lagðar fyrir og þá einnig lögð könnun fyrir nemendur í kvöldskóla við lok vorannar 2026. Einnig verður útbúin GNOK könnun fyrir nemendur á Reykjum og könnun fyrir fjarnámsnemendur úr grunnskóla.